



N 21/2761
21/06/2022

2761-21-2-202206211145



შპს „ქვიშა ბათუმი“

მის: ქ. ბათუმი, სელიმ ხიმშიაშვილის ქ. № 94, ბ. 39

ელ. ფოსტა: qvishabatumi@gmail.com

სამინისტრომ განიხილა თქვენ მიერ გარემოსდაცვითი გადაწყვეტილების მიღების მიზნით წარმოდგენილი N1674 განცხადება, რომელიც ეხება შპს „ქვიშა ბათუმი“ სასარგებლო წიაღისეულის (ქვა-ღორღის) გადამამუშავებელი საწარმოს. გაცნობებთ, რომ გზმ-ის ანგარიშსა და თანდართულ დოკუმენტაციაში არ არის მოცემული და დაზუსტებას საჭიროებს საქმიანობასთან დაკავშირებული შემდეგი საკითხები:

- სკოპინგის დასკვნის გაცემის მიზნით მიმდინარე ადმინისტრაციული წარმოების ეტაპზე, საპროექტო ტერიტორიის დათვალიერებისას გამოვლინდა, რომ პროექტით განსაზღვრული სამსხრევ-დამახარისხებელი დანადგარები უკვე დამონტაჟებულია და საპროექტო ტერიტორიაზე განთავსებულია გადამამუშავებელი სასარგებლო წიაღისეული (ქვა-ღორღი). თუმცა გზმ-ის ანგარიში წარმოდგენილია, როგორც „სასარგებლო წიაღისეულის (ქვა-ღორღის) გადამამუშავებელი საწარმოს მოწყობისა და ექსპლუატაციის პროექტი“. გზმ-ის ანგარიში წარმოდგენილი უნდა იყოს საწარმოს არსებული მდგომარეობის გათვალისწინებით და ასახული უნდა იქნეს საწარმოს მოწყობასთან დაკავშირებული შესრულებული და შესასრულებელი სამუშაოების შესახებ ინფორმაცია;
- გზმ-ის ანგარიშში წარმოდგენილია საპროექტო ტერიტორიის ნახაზი 4.1.1. (დაგეგმილი საქმიანობის განხორციელების ადგილის აგეგმვითი/აზომვითი ნახაზი) და Shp ფაილები, მთლიანად მოიცავს 05.35.28.246 საკადასტრო კოდით რეგისტრირებულ მიწის ნაკვეთს, თუმცა აღნიშნული ტერიტორიაზე ასევე მდებარეობს შპს „ერ ტრანსის“ და შპს „ნაზირი და კომპანის“ საწარმოები, შესაბამისად დაზუსტებას/კორექტირებას საჭიროებს როგორც გზმ-ის ანგარიშში წარმოდგენილი ნახაზი 4.1.1, ასევე Shp ფაილები;

- გზმ-ის ანგარიშში წარმოდგენილია მხოლოდ საწარმოს განთავსების შერჩეული ალტერნატიული ვარიანტის დადებითი მხარეები, გზმ-ის ანგარიშში განხილული უნდა იყოს სათანადო ინფორმაცია დაგეგმილი საქმიანობისა და მისი განხორციელების ადგილის ყველა გონივრული ალტერნატივის შესახებ, შესაბამისი დასაბუთებით;
- გზმ-ის ანგარიშში წარმოდგენილ ნახაზებზე 2.3.1. (საწარმოს ადგილმდებარეობის სიტუაციური გეგმა) და 4.1.3. (საკვლევი ტერიტორიის ადგილმდებარეობის აეროთანამგზავრული მონაცემები) ურთიერთშეუსაბამოა უახლოესი დასახლებული პუნქტი. ამასთან დაგეგმილი საქმიანობის ადგილმდებარეობის აღწერაში აღნიშნულია, რომ უახლოესი დასახლებული პუნქტი მდებარეობს 320 მეტრში, ხოლო ნარჩენების მართვის გეგმაში წარმოდგენილ ცხრილში 1.2.1. (შპს „ქვიშა ბათუმი“-ს შესახებ ინფორმაცია) მითითებული ინფორმაციის თანახმად მანძილი ობიექტიდან უახლოეს დასახლებულ პუნქტამდე 460 მეტრია. შესაბამისად დაზუსტებას საჭიროებს საპროექტო ტერიტორიიდან უახლოეს საცხოვრებელ სახლამდე მანძილი. ამასთან დაზუსტებას საჭიროებს უახლოესი საცხოვრებელი განაშენიანების საზღვარზე მონიტორინგის წერტილის (N15) კოორდინატები.
- გზმ-ის ანგარიშში აღნიშნულია, რომ საპროექტო ტერიტორიის საკადასტრო საზღვრიდან მდ. ჭოროხის კალაპოტამდე მანძილი დაახლოებით 50 მეტრზე მეტია, თუმცა მონაცემების ელექტრონული გადამოწმებით საპროექტო ტერიტორიის საკადასტრო საზღვრიდან მდ. ჭოროხის კალაპოტამდე მანძილი დაახლოებით 30 მეტრია. გარდა აღნიშნულისა, დაზუსტებას საჭიროებს ასევე საწარმოს ტერიტორიაზე განთავსებული შენობა-ნაგებობიდან და დანადგარებიდან მანძილი მდინარის კალაპოტამდე. ამასთან მოცემული უნდა იყოს ინფორმაცია „წყალდაცვითი ზოლის შესახებ ტექნიკური რეგლამენტის დამტკიცების თაობაზე“ საქართველოს მთავრობის 2013 წლის 31 დეკემბრის N440 და „საქართველოს მცირე მდინარეების წყალდაცვითი ზოლების (ზონების) შესახებ ტექნიკური რეგლამენტის დამტკიცების თაობაზე“ საქართველოს მთავრობის 2013 წლის 31 დეკემბრის N445 დადგენილებებით განსაზღვრული მოთხოვნების დაცვის თაობაზე;
- გზმ-ის ანგარიშში აღნიშნულია, რომ საწარმოს ტერიტორიაზე კაპიტალური შენობა-ნაგებობების მშენებლობა დაგეგმილი არ არის. მუშა-მოსამსახურეთა მოსასვენებელი, კვების ბლოკი და სხვადასხვა დანიშნულების სასაწყობე შენობა-ნაგებობები წარმოადგენენ მარტივი ტიპის არაკაპიტალურ დროებით ნაგებობებს. თუმცა სკოპინგის დასკვნის გაცემის მიზნით მიმდინარე ადმინისტრაციული წარმოების ეტაპზე, საპროექტო ტერიტორიის დათვალიერებისას გამოვლინდა, რომ საპროექტო ტერიტორიაზე განთავსებულია ორსართულიანი კაპიტალური შენობა-ნაგებობა, შესაბამისად აღნიშნული საკითხი საჭიროებს დაზუსტებას;
- გზმ-ის ანგარიშში პარაგრაფში 4.3.2. (გვ. 35) მითითებულია, რომ მზა პროდუქციის რაოდენობა იქნება 86 800 ტონა, ხოლო 4.3.3. (გვ. 35) პარაგრაფში მითითებულია 82 460 ტონა, შესაბამისად აღნიშნული საკითხი საჭიროებს დაზუსტებას/კორექტირებას;
- გზმ-ის ანგარიშში თავი 6-ში (გარემოს არსებული მდგომარეობის ანალიზი) წარმოდგენილია ინფორმაცია შპს „ბათუმ ციმენტოს“ დაგეგმილი საწარმოს მშენებლობა და ექსპლუატაციის შესახებ, რომელიც მდებარეობს საპროექტო

ტერიტორიიდან 400 მეტრში, თუმცა საკვლევი ტერიტორიის მიმდებარედ 500 მ რადიუსის საზღვრებში არსებული საწარმოების ჩამონათვალში აღნიშნული დაგეგმილი საქმიანობის შესახებ ინფორმაცია არ არის წარმოდგენილი;

- საპროექტო ტერიტორია განთავსებულია სამრეწველო ზონაში, სადაც მდებარეობს სხვადასხვა პროფილის საწარმოები, მათ შორის არაერთი სამშენებლო მასალების საწარმო, რომლებიც დაკავშირებულია ხმაურის გავრცელებასთან, თუმცა გზმ-ის ანგარიშის ქვეთავში - 6.2.2.2. (ხმაურის გავრცელების ფონური მდგომარეობა) მითითებულია, რომ ხმაურის ძირითად წყაროს წარმოადგენს საავტომობილო ტრანსპორტი, რას საჭიროებს დაზუსტებას/დასაბუთებას; ამავე ქვეთავში აღნიშნულია, რომ **ეგხ-ს მიმდებარე ტერიტორიაზე**, დასახლებულ პუქტებში, ხმაურის ფონური დონეების დადგენის მიზნით ჩატარდა ინსტრუმენტული გაზომვები. დაზუსტებას საჭიროებს ჩატარებული ინსტრუმენტული გაზომვების შესახებ დეტალური ინფორმაცია. გზმ-ის ანგარიშში არ არის წარმოდგენილი ინფორმაცია ზემოაღნიშნული ეგხ-ის შესახებ;
- გზმ-ის ანგარიშში არ არის წარმოდგენილი ნედლეულის/პროდუქციის ტრანსპორტირების მარშრუტების შესახებ დეტალური ინფორმაცია (რუკაზე ჩვენებით, სქემატური ნახაზებით) და ნედლეულის/პროდუქციის ტრანსპორტირების სქემისა და გეგმა-გრაფიკის მუნიციპალიტეტთან შეთანხმების დამადასტურებელი დოკუმენტაცია.

აღნიშნულიდან გამომდინარე, სააგენტო კანონმდებლობის შესაბამისად გარემოსდაცვითი გადაწყვეტილების გაცემის მიზნით ადმინისტრაციულ წარმოებას დაიწყებს ზემოაღნიშნული შენიშვნების გათვალისწინებით გადამუშავებული და „გარემოსდაცვითი შეფასების კოდექსით“ დადგენილი სრულყოფილი დოკუმენტაციის წარმოდგენის შემდეგ.

თეიმურაზ მთივლიშვილი



სააგენტოს უფროსის დროებით ფუნქციების შემსრულებელი

სსიპ გარემოს ეროვნული სააგენტო

